



सानसेयारि "बड'सा" खरीलाइयाव  
स्मानज्यारि जिज्जो लोब्बा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि स्यायाव लिहनाय लिहबिबां दैथाय डर/  
सानसेयारि "बड'सा" खरीलाइया खेबखानाव  
फोसावगोब।  
बड'सायाव लिहहरनायनि हुबा खालाम,  
"बड'सा" खरी नोथं, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 6 February, 2024 Kokrajhar, BTC, Assam ★ Vol.-33, Issue No. 308 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



काजिरङ्गायाव  
गान्दानि गाग्लोबनायाव  
सानै हाग्रा मावफारियानि  
जोखोम



गुवाहाटी, 5 फेब्रुवारी: काजिरंगा हायुआरि पार्क आरु टाइगर रिजर्वनि बाराकटा अरु बादानि सिडव गान्दानि गाग्लोबनायाव सानै हाग्रा मावफारियाफेर जोखोम जायो। थानाय रबिबारखालि केम्पनि साखाथियाव गान्दानि गाग्लोबनायाव जोखोम जानाय सानै हाग्रा मावफारियाफेरखो तनुज बरा आरु जयन्त हाजिरका होन्नानै सिनायथिनो हादो। जाथायाव गोब्राबै जोखोम जानाय सानैबो हाग्रा मावफारियाखो नगावनि जखलाबन्धानि गंसे देहा (□ 5 बिलाइआव)

कृष्णाकान्त सन्धिकै राइज्योयारि उदां मुलुगसोलोसालिनि सोलोथायारि भवन आरु मेल जथुमसालि बेखेवदो  
मुलुगसोलोसालिनि रानी केम्पासनि थाखाय 20 कौटि  
रां अन्सुंथाय फोसावबाय ड० हिमन्त बिश्व शर्माआ

दिसपुर, 5 फेब्रुवारी: आसामनि गिबि मन्थि उ० हिमन्त बिश्व शर्माआ दिने कृष्णाकान्त सन्धिकै राइज्योयारि उदां मुलुगसोलोसालिनि गोदानै लुजानाय गुवाहाटी नोगोरमनि केम्पासनि सोलोथायारि भवन आरु मेल जथुमसालिखो हाबाफारि बायदियै गोथारै बेखेवना होयो। बेखो लोब्बा लानानै गावनि बिबुंथियाव गिबि मन्थिआ कृष्णाकान्त सन्धिकै राइज्योयारि उदां मुलुगसोलोसालिनि थाखाय दिनेनि सानआ मोनसे मख'जाथाव सान होना मख'नानै बुंदोदि, मुलुगसोलोसालिनि नख'गरिनि थाखाय दिने मोनसे मोनफुनायनि सान आरु आसामनि सान्थोआरि आरु सोलोथायारि समाजनि थाखाय मोनसे रंजाथायनि सान। गिबि मन्थिआ बुंदोदि, मुलुगसोलोसालिजो आगोमा गियान गोनां कृष्णाकान्त सन्धिकैनि मुडा लोब्बा जानानै डड। गागि थुनलाइगिरिजो लोगोसे राइज्योनि सोलोथायारि बिथिडव राव रंगोथि गोनां उ०



कृष्णाकान्त सन्धिकैआ सिमना गैय आरु जोबोद बिहोमा होलादो होना मख'नानै बिथाड बुंदोदि, गुवाहाटी मुलुगसोलोसालिनि गिबि भाइस चेन्सेलर महरै राइज्योनि गोजो सोलोथायाव बिथाडव मोनसे गोदान जांखिथाय सोजिलादोमोन। बिथाड लोगोसे गेदेमा सोलोथायगिरि, पन्डित सन्धिकैनिमिदिनेनि हाबाफारियावो आसामयारिनि जानानै गोसो गोबोर्जो मान बाडयो। गियान आरु रंगोथिनि गेजेरजो मुलुगनाडेनो जोथि-सोरं फोसावनायनि भारतयारि आसारखाथिया आधिखाल समावबो सोलिगासिनो दड होना मख'नानै बेबायदि थासारिखो सिगांलाहोनायाव मोनसे उदां आरु डिस्टेन्ट सोलोथाय फसंथान महरै थानाय समफोराव कृष्णाकान्त सन्धिकै राइज्योयारि उदां मुलुगसोलोसालिया जाय गोखो बिफाव लानानै फेदो बेनि थाखाय गिबि मन्थिआ साबायख'र बाडो। भारतबर्षयाव उदां आरु डिस्टेन्ट सोलोथाया समाजनि गासैबो थाखायाव सोलोथायनि खावु फेहेरनायाव (□ 5 बिलाइआव)

बिजिरगिरि बिजय बिष्णयआ गुवाहाटी  
गोजो बिजिरसालिनि गाहाइ बिजिरगिरि  
महरै समाय खिरा लाबाय



गुवाहाटी, 5 फेब्रुवारी: आसामनि राइज्यो बेंगिरि गुलाब चान्द कटारियाआ गिबि मन्थि उ० हिमन्त बिश्व शर्मानि नुजाथिनायाव दिने राज भवनआव खुंजानाय मोनसे गोथार हाबाफारियाव बिजिरगिरि बिजय बिष्णयखो गुवाहाटी गोजो बिजिरसालिनि गाहाय बिजिरगिरि महरै समाय खिरा लाहोयो। समायखिरा लानाय हाबाफारियाव आसाम बिधान (□ 5 बिलाइआव)

आसाम आयेन आफादनि बाजेट  
जथुमआ दिनेनिफ्राय जागायबाय

गुवाहाटी, 5 फेब्रुवारी: आसाम आयेन आफादनि रांभावजा जथुमया दिनेनिफ्राय गोबां गोनांथार आयदाफेरखो नोजोर होनानै जागायजेनो। रांखाथि मन्थि अजन्ता नेउगा फेगो 12 फेब्रुवारीयाव रांखाथियायारि बोसोर 2024-25 नि थाखाय राइज्योनि रांभावजाखो गथायनो थि खालामनाय जादो। बिथाड राइज्योनि रांखाथियायारि गोनांथिफोर आरु हास्थायनायफोरखो आबु खालामो मोनसे "नंगुबै"



रांभावजानि बाथा होदोमोन। जथुमनि थाखाय आयेन आयेन आफादनि हाबाफारिखो आफादनि सोरगिदि सिडव मोजाडै खुंफुनो थाखाय बाजेट गोखो रैखाथि राहा खालामनाय (□ 5 बिलाइआव)

जादो। बाजेटनि अनगायैबो, गिबि मन्थि हिमन्त बिश्व शर्माया बे जथुमयाव आसाम गोबां जुलि लानाय एबा पलिगेमिखो होबथानाय बिलखो लाबोनायनि बाथा फोसावदोमोन। बेनि अनगायैबो, राइज्योनि दावबायारि बिथिखो जौगाहोना थाखाय आसाम दावबायथाय (जौगाथाय आरु रंजिस्ट्रेसन) बिल, 2024 खो लाबोना हागो। आसाम राइज्योआरि (□ 5 बिलाइआव)

कक्राझारआव बलिउडनि  
मुंदांखा मेथाइ रोजाबगिरि  
कुमार सानुआ दावबायफेदो



कक्राझार, 5 फेब्रुवारी: बलिउडनि मुंदांखा मेथाइ रोजाबगिरि कुमार सानुआ दिने बिटिसिनि मावफुं सोद्रोमा अरुप कुमार देनि न'आव आलासि महरै फेनायखो लानानै कक्राझारआव सोमोनांनय सोमजिहोदो। मख'नो गोनांदि, (□ 5 बिलाइआव)

सिएए बिलआ पास जायोब्ला आसुआ  
फिन सोमावसारनो हुमखि होदो

राइज्योआव सिएएखो दाफामोब्ला फिन सोमावसारगोन : अखिल गगै  
गुवाहाटी, 5 फेब्रुवारी: राइज्योयाव सिएएखो दाफामोब्ला फिन सोमावसारनाय जागोन होन्नानै राइजर दल राजखाथि हान्जानि आफादगिरि अखिल गगैआ हुमखि होयो। बिधान सभानि बाजेट जथुमनि गिबि सानाव, गगैआ बुडोदि, "जुदि सिएएखो दाफामनाय जायो अब्ला जो जायखिजाया थासारिखो लानो थियायारि। सिएएआ गोहोम गोगलैनाय धोराम सिबियायारि जामिनी देवीआ जोबथा हां बोबाय, दुखुनि साया साग्लोबदो



लोगो लोगो हेँथा दिन्थिफुनाय खिराया गुबुन हादतआनि जागोन। बिजेपनि गिबि समाय (□ 5 बिलाइआव)

कक्राझारआव फिन  
गाग्लोबनाय जाथाय, सासे  
लाइमोननि गोब्राब जोखोम

कक्राझार, 5 फेब्रुवारी: मोनसेनि उनाव गुबुन मोनसे बुथारनाय जाथाया सोमावगुंनाय गोजोननि सहर कक्राझारआव थानाय रबिबारनि हराव फिन सासे लाइमोननि सायाव सिनाय मोनै दुथांफोरा खासि-बिस्रियै गाग्लोबो। जाउनाव लाइमोना गोब्राबै जोखोम जायो। मिथिनाय बादिब्ला, खर'आव जोखोम जानानै थैनायनिफ्राय जिउ रैखा मोननाय लाइमोनखो कक्राझार सहरनि खाथियाव थानाय भवानिपुर गामनि थागिरि सुभाष दासनि फिसज्जा बिशाल दास (23) होन्नानै सिनायथिनो हादो। जोखोम जानाय लाइमोननि बिनावावआ फोरमायनाय बादिब्ला कक्राझार सहरनि गंसे मबाइल गलायाव खामानि मावग्रा (□ 5 बिलाइआव)

तामुलपुर जिल्ला फरायसा  
आफादआ गोखो सोमावसारदो



तामुलपुर, 5 फेब्रुवारी: राइज्योनि गुबुन गुबुन जायगाजो लोगोसे तामुलपुरआव जिल्ला आसाम फरायसा आफादआ आसाम सरकारनि बिजो बेरेखा थांखिखो हेँथा होनानै गोखो सोमावसारनानै (□ 5 बिलाइआव)

सोलोथाइ मन्थिनि मुसुखा सावो। राइज्यो सरकारनि बिमा राव बिजो बेरेखा थांखिनि हेँथायै तामुलपुर जिल्ला फरायसा आफादआ दिने बे सोमावसारनाय हाबाफारिखो खुडो। तामुलपुर खाजोना बेंखन बिबानगिरि मावखुलिनि खाथियाव (□ 5 बिलाइआव)

मानासनि मैदेरफोरनो आदार महरै  
थालिर बिफां जगायदो

भवानिपुर, 5 फेब्रुवारी: हाग्रानि जुनातफोरखो मोजां मोननाय-अन्सायनायनि थांखि महरै वर्ल्ड हेरिटेज साइट मानास माहारियायारि पार्कनि मैदेरफोरनि थाखाय थालिर बिफां जगायदो दिने भवानिपुर बिधान सभा बिथायनि सिडव थानाय कदैगुरि आरु उजान बरबरि गामिनि



राजो-रजाफोर। उजान बरबरि आरु कदैगुरि गामिनिफ्राय गासै 25 कि:मि: जान्थायाव थानाय मानास माहारियायारि पार्कआव गंभ्रे (□ 5 बिलाइआव)

मुवा-बेसाद रोगाग्रा गारियाव 500 निखुइ बांसिनि थालिर बिफां लानानै गथायहेदो मानासनि मैदेरफोरनि आदारनि थाखाय। मख'नो गोनांदि, आसाम सोमावसारनायनि गिबि मुंखलं कर्गेश्वर तालुकदारनि नख'यारि गामि उजान बरबरिनि (□ 5 बिलाइआव)

चिरां जिल्ला प्रेस क्लाबनि गोदान  
आफादनो बिबान गथायबाय



वासुगाव, 5 फेब्रुवारी: चिरां जिल्ला प्रेस क्लाबनि जथुमयाय थानाय 28 जानुवारीखालि बाक्सा जिल्लानि मानास नेसनेल पार्कनि साखाथियाव थानाय मोनसे समायना (□ 5 बिलाइआव)

जेला हजु जानाय विगुर, गोखन गुटि एबा गावनाय आफाथालाया खरट होयो

अब्लानो छभ 'लिन-नि  
गुरै रुबु क्रीमा  
गोथौसिम बिगुरनो  
पुस्टि जगायो आरु बिगुरा  
जिउ मोनफिन्नानै  
स्लिम जायो।

SOVOLIN

बेखायनो छभ 'लिन क्रीम हरप्रोमबो













